

銅仁府志

八

地360.09
部2:8



銅仁府志補遺目錄

職官

知府

經歷

知縣

典史

人物

陣亡兵丁

孝子

銅仁府志

補遺

目錄

貞烈

節孝

藝文

碑記

新建義倉記

傳

序

示

誅



墓銘

詩

銅仁府志

補遺

目錄

二

銅仁府志補遺

職官

知府

乾隆姚培叙
桐城舉人

佛寶柱
滿洲正黃旗人

佟澤溥
漢軍鑲紅旗人

單 焯
山東高密人進士

孟衍泗

張鳳枝
江蘇金匱監生

銅仁府志

補遺

職官

永 貴
滿洲鑲藍旗人

趙與愷
廣東人監生

經歷

乾隆薛光國
江蘇陽湖人 己卯科副榜

楊朝模
江蘇金匱監生

陳 澣
江西寧州人廩貢生

張鳴渠
廣東嘉應州人監生

于 燾
山東平度州人監生

李紹祥
順天密雲人吏員

張大年 順天大興人

陸光濂 浙江人

裘堂 浙江會稽人

嘉慶 王觀彪 順天大興人

薛超 浙江仁和人

陳秉忠 浙江蕭山人

林澍 順天宛平人

知縣

乾隆 張泰垌 湖北江陵人

銅仁府志 補遺

職官

二

張期泉 福建連城人

薛端 浙江鎮海縣舉人

嚴兆梅 湖北漢陽人

周來儀 四川永川人

顏光祖 江蘇長洲人

申贊皇 江蘇元和舉人

朱孔璋 廣東豐順人

汪昇一 順天大興人

褚其政 江蘇長洲人

謝際泰 福建閩縣人舉人

胡德彭 安徽婺源人監生

嘉慶 宋 璵 江蘇長洲人監生

鄭寶鑑 順天大興人監生

徐玉章 浙江烏程人舉人

典史

嘉慶 唐葉雲 順天大興人監生

銅仁府志

補遺

職官

三

銅仁府志補遺

人物

陣亡兵丁

王德

鍾萬雲

銅仁府志

補遺

忠烈

銅仁府志補遺

人物

孝子

國朝府屬

梅同春

係貢生梅燦芝之子府學廩生素本純篤生母

楊氏染病垂危醫藥罔效生默禱神靈將左手

喻國選

苦肉割下持回烹炮親奉其母而母病尋愈鄉

鄰知其奇孝呈請褒焉

郡人喻尚猷之子年四十七歲家貧如洗母李氏紡績

銅仁府志

補遺

孝子

一

淳樸父故時選甫六歲家貧如洗母李氏紡績

教育及後少長入營字識謀生竭力奉母起敬

起孝晨昏定省和容悅色間與外人言母喊即

止娶妻劉氏雅敦婦道宗族稱孝焉母現年七

十一歲選日侍母側依依有古老萊之風焉

銅仁府志補遺

人物

貞烈

國朝

烈女何杏玉

係太學生何泰連之長女也生於嘉慶八年

秉性賢淑持躬敬慎母儀是式湯藥無憚晨

昏婦道早嫻提訓已承朝夕未經許字迨二

八歲母氏不祿痛即捐軀願相從於地下望

憲詳奏已蒙

旌獎

銅仁府志

補遺

貞烈

一

銅仁府志補遺

人物

節孝

國朝

徐楊氏

係貢生楊茂章之女年二十歲于歸廩生徐如溥為妻甫至六年夫故氏將以身殉因念翁姑在堂乃矢以堅貞勤持家計晝夜紡績以供翁姑甘旨雖一茶一水必親進奉苦無子僅生一女繼姪徐榮為嗣年甫弱齡辛勤教誨茶亦能仰體親心苦讀無成直至翁姑辭世喪葬禮節無不克盡哀思鄉人見其風範咸稱之曰節孝婦也氏現年六十二歲

向劉氏

係思州府屬進士劉有憑之次女年十八歲于歸向秀士為妻結褵五載夫以疾逝遂矢志守

銅仁府志

補遺

節孝

節竭力奉七旬之翁姑辛勤撫三歲之幼子不意翁姑病危氏日進湯藥屢夜哭禱及逝矣而哀痛幾絕喪具盡禮親族咸仰其芳徽撫子成立鄉黨共稱其苦節守節四十一年享年六十

四歲

陳楊氏

係監生楊容光之女年十八歲于歸陳宏綸為妻甫至三年夫病篤湯藥罔效終夜哭禱願以身代夫故傷痛欲絕幸翁姑泣慰氏體親心矢志侍養繼姪恩泮為嗣辛勤教誨翁姑葬祭盡哀盡禮戚戚之情及今未忘且素勤紡績絲粟不致浪費教子成立艱辛備至其子恩泮已列

膠庠氏現年五十三歲

黃何氏

係何璽章之女年十八歲于歸黃毓芳為妻逾年生一子婦道克盡六年夫家貧營謀于外歿翁姑年老不能動履氏攜幼子家道窘迫惟紡績矢志堅貞侍翁姑而撫幼子家道窘迫惟紡績

以供養未幾其子夭亡而氏不欲生者數矣然翁姑在堂雖極慘未敢少形于色恐愈親傷繼姪以為嗣數年不違自逸遽焉又故氏終不稍易其心兢兢以節孝自守翁姑又命氏承繼姪孫應梅以接宗祧時應梅甫二週也至今猶未成童不令稍自放逸日則送塾肄業夜則燈前嚴課出入教以禮義絕無挑達之行鄰里鄉黨靡不嘖嘖稱道曰將來厚報不爽此皆節孝之訓誨所貽也氏現年五十五歲

陳丁氏

係丁首強之女年十七歲于歸陳希瑤為妻甫五載夫因疾故翁早逝生于僅四月夫弟僅八歲姑年老復患目疾氏矢志扶持辛勤教養期以成立以慰親心以故夫後由是茹藥飲冰不辭艱苦而家計又寒諸凡以一身任之含淚拮据於其間雖惡獸亦為之感動厥後夫弟漸長子亦聰慧未幾飛聲庠序至今五世同居孝友一堂其孫之成名者恒多此皆節孝之所致氏

銅仁府志

補遺

節孝

二

享年八十有餘

黃劉氏

係三烈後裔劉體乾之女年二十歲于歸府庠黃樹為妻生子肇榮夫患失明之恙病臥牀褥氏朝夕殷勤毫無違意結禱甫八載夫故氏哀痛至極幾不欲生念翁姑俱逾六旬恐傷不測遂矢志守節奉雙親而撫幼子備歷艱辛竭力支持幸子已列膠庠而翁姑繼故殞殮大事克盡心力哀痛之情久而泣下兼以子完配多年未獲添丁遂極力捐資施捨貧困未數年疊孫繞膝人謂之曰此節孝之報也氏享年七十一歲

楊萬氏

係萬志芳之女年二十歲于歸楊秀星為妻克嫻婦道翁姑之前順意承歡娣姒之間多方和諧結禱七載夫因疾故生子年僅二週痛哭數絕因翁姑在堂恨未以身殉之矢志守節無柰家計寒微日用維艱朝則針黹暮即紡織仰事俯鞠各盡其道凡翁姑一切飲食俱精潔誠敬

及去世祭葬哀慟無不曲盡其禮撫育幼子教
養婚配至今猶勤儉自持井臼親操織紡尚
不輟鄉鄰稱其節孝守節四十七年現年七十四歲

萬楊氏

係楊時勉之女未字時父喪母老兄弟俱幼其
母多疾侍奉湯藥常衣不解帶族以孝稱年二
十歲于歸萬澄為妻極敦和好翁姑鍾愛之甫
八載生一子一女夫故其子未及一齡氏痛哭
已不欲生惟念翁姑年邁子女無依且家計素
寒除書籍之外釜甑塵生或有勸其改節者氏
即避之而唾其面日紡績以奉翁姑和容備至
持詩書以教子女嚴慈兼全嗣後雙親繼亡葬
祭盡禮而哀慘情狀令人不忍言者乙卯苗
變有從祖叔母避難無歸氏矢以織紉承養後
范氏卒於其家衣棺自氏之紡績其子繼守書香
艱苦女嫁男婚出自氏之紡績其子繼守書香
皆由氏之訓誨守節三十七年享年六十五歲

銅仁府志

補遺

節孝

王熊氏

係貢生熊璜之女王璜之妻未及笄而賦桃夭
方年一十有六甫結縭而悲荼毒歲止一十有
九於夫病之時朝夕服侍左右不離親嘗湯藥
祈禱拯救於夫死之日誓不欲生呼號不已痛
泣三年毀姿矢志氏父憐更欲擇婿氏誓死不
改終身抱節翁姑惜之如璧而氏晨昏定省扶
持懇勤有古孝婦之風敬上御下無不盡禮周
旋苦無出繼姪日昇教育成才以延宗祀守節周
三十一一年現年五十二歲

陳甘氏

係甘聖徵之女年十八歲于歸陳炳政為妻甫
至三載生子廷玉夫故痛哭幾絕家計甚貧惟
紡績以奉翁姑艱苦備歷十餘年翁姑繼亡殯
葬盡禮尚遺二姑未嫁擇配名門撫育孤子惟
義方是訓及成立令其入伍娶媳楊氏生孫子
奉調出師川省帶傷回已又為孫完配生曾又
在襁褓無何天道難憑孫曾接踵而死鰥寡孤
獨郡人共惜焉守節六十一年現年八十一歲

張黃氏

係黃肇伯之妻年二十七歲于歸張鈞為妻甫結禱二載適苗變氏扶姑避難於郡治之六轉

山時夫隨兄武舉張鑑堵禦苗匪身染時疾病卧六轉山氏日進湯藥屢夜哭禱願以身代夫

故氏將身殉時有數月之孕期生子以承夫祀逾三月果生子瑞枝辛勤撫育事姑益加篤厚

日操井臼夜勤紡織妯娌鄉鄰無不稱其懿行及子稍長延師課讀期望成名卒不以孤子而

致溺愛子亦克體親心奮列庠序惜命不我辰未獲目覩耳守節十一年享年四十歲

田翁氏

係翁世爵之女年十九歲于歸田宗源為妻翁姑夙染疾病常在牀褥彼此湯藥資氏一身越

五載翁逝奉姑與夫如常適苗變姑病篤夫猶未愈氏曲為周全以安其心內外照理艱辛備

嘗兩載姑與夫相繼云亡慘切何堪既無伯叔又鮮兄弟而氏竭盡心力兼值苗匪甚猖殯葬

已畢撫六月孤子逃難在外及復業之日田土荒蕪殆盡房屋焚燬無存氏孑立一身從新開

銅仁府志

補遺

節孝

四

創困苦已不待言孤子少長教以義方擇媳婚配應試即列膠庠鄉鄰咸稱之曰此苦節天報

之也守節二十九

劉蓬氏

係蓬宗賢之女年十八歲于歸劉松友為妻生二子越五年夫即賦遠遊數年不歸氏扶老携

幼就養來黔至銅仁適松友已病故月餘矣典質釵服從新營葬無力南旋遂寄籍焉又因家

徒四壁囊空若洗親老子幼何以為生兼繼姑雙目失明舉眼無親悲切自問更增慘然氏惟

日工女紅夜則紡績事奉敬謹甘旨無缺翁姑皆八十餘而終殯葬盡禮逸勞教子呈請入籍

二子之子俱入縣庠此節孝之所致鄉鄰稱賢焉守節五十二年享年八十一歲

張范氏

係郡人范國珍之女年十六歲于歸生員張純德為妻家道貧寒教讀糊口氏惟紡績縫紉勤

儉相夫夫故氏年二十九歲矢志守節力於女工以奉親慇懃克孝姑年八十而壽終殯葬盡

禮誨無時稍懈絕教孤子以義方克成先志約束訓

劉聶氏

係庠生聶允乾之次女年二十歲于歸劉浩為

妻夫學而未成生意糊口生一子夫得染風疾

卧牀不起家益貧翁姑已逝惟祖母在堂氏以

針黹度日扶侍湯藥備嘗辛苦毫無怨容年三十

年現年

課子猶嚴今其子永慶已入縣庠守節三十二

年現年

五十歲

係本邑朱彬文之女年十六歲適覃代文為妻

覃朱氏

因家計蕭條氏畫則提甕灌園夕則刺繡縫紉

易粟資生以佐其夫時夫身故氏僅二十二歲

生子興旺年方一週矢志撫孤守節適苗變負

子避難房屋俱已焚燬復業後從新草創費盡

心力備嘗艱苦教子成人擇淑婚配鄉鄰賢焉

守節二十三年

享年四十五歲

係庠生劉宗明之女年十七歲于歸覃代珍為

覃劉氏

妻家計寒微日食不足氏時勤女紅以濟之生

一子未幾夫故氏立志守節撫孤而子少多病

常慮調養不密致絕夫後及至成人擇媳婚配

生孫而孤子繼亡氏一息奄奄朝不慮夕撫孫

更苦於前之撫子今已成立婚配矣雖有孀媳

一切支持氏力居多守節

三十年現年五十九歲

係孫子敬之子女年二十歲適范廷弼為妻結禱

范孫氏

八年夫故生子四歲撫育成立伶仃孤苦艱辛

備至子成立矣更念夫原籍江西來銅生理一

但亡故無力回籍因命子前往修墓拜識宗祠

至今一子三孫郡人莫不稱賢氏

守節三十六年享年六十四歲

劉李氏

本邑人李榮基之女生於乾隆己亥年十六

歲適劉枝楠為妻家計蕭條園圃針黹紡績有

以資食至於敬執婦道貧賤無尤不敢稍怨為

鄉黨所素稱於嘉慶甲子年夫故氏年二十五

銅仁府志

補遺

節孝

五

歲殯殮安葬皆氏一人支持遺一孤子年甫兩歲姑逾六旬兼之多疾困於貧養而二三年後伯叔又亡夫兄遺一孤子又極少不諳事氏不辭艱辛奉養無歎且姑性甚急氏事之以孝不觸其怒備極艱難撫孤抱媳始完配而媳故其子食力奉親孝敬自矢皆氏義方之訓至今守節二十二年現年四十七歲

黃楊氏 係楊承元之女年十九歲適黃肇張為妻恬靜寡言克敦婦道時翁姑常病扶侍湯藥日夜不懈越半年姑故事翁猶誠生子錦甫五歲夫故惟兄嫂是依傷心獨子矢志守節備嘗艱苦婦兼子職奉養十餘年翁故更增悲泣直至教子立現列郡庠猶循循有師範焉鄉里賢之守節一十九年現年四十四歲

楊石氏 係石祥玉之女年十七歲適楊聲昌為妻生子歲餘夫故翁姑衰老較夫在時更誠雖有妯娌

銅仁府志 補遺

節孝 六

夫未寒而已分居翁姑歿後而氏之祭敬亦如生者撫育孤子訓以義方至於成立配以良婦氏之節孝慈盡矣至於家計更費艱辛田土連遭水溢皆氏料理修治守節一十五年享年四十歲鄉里素推崇之

陳楊氏 係楊進祿之女年二十三歲適陳廷章為妻克嫻婦道勤儉持家夫婦敬愛宛如賓主生子一夫家貧食糧糊口而氏以紡績工女紅助之不意出師川省帶傷遣回旋即身故遺六旬老母五歲孤兒煢煢孑立形影相弔一粥一飯奉養為難教子成立擇淑婚配訓子育孫以承先志一旦子亡而孫夭猶恐母老而傷惻珠淚暗流傷心益甚事孀姑八旬守節二十三年現年五十一歲鄉鄰為之惜焉

羅余氏 係余士遊之女年二十歲適羅允清為妻事翁姑克敦婦道生子福錢甫二歲夫故氏不欲生

因念親老子幼矢志節操奉養十餘年翁姑繼
故葬祭盡禮教孤子以義方俾致成立擇淑完

配至今繞膝孫曾守節五
十三年現年八十三歲

游楊氏

係楊勝紫之妻年二十一歲適游宗武為妻家
計寒微勤紡績而工女紅持家有條生子兆朋

非純結禱九載夫故氏矢志守節撫育幼子教
以義方至於成立為之婚配至今孫男膝繞守

節六十一歲現
年九十一歲

向雷氏

向萬鍾之妻年十八于歸向門二十八歲夫故
生子四事翁姑至孝冰蘖艱辛四十餘年壽七

餘十

向鄧氏

向士彬之妻即向節婦雷氏之媳年十九歲于
歸向門二十一歲夫故遺腹越五月生于海蘭

節婦冰清玉潔事孀姑撫弱兒辛勤勞瘁積數
十年今年五十二歲孫二其子海蘭子去年物

銅仁府志

補遺

節孝

七

故媳占氏年三十一歲亦柏舟
自矢一門三代苦節世所罕有

楊王氏

楊其昌之妻康熙戊子科舉人官山西知州永
年王公之孫女敷蒼王公之長女適孟溪楊姓

夫故時氏年僅二十三歲止一女立志守節事
光煒公極孝事繼母曾氏朱氏從無間言其撫

弱弟建昌姑沒時僅二歲氏茹苦艱辛獨立乳
養俾至成立於嘉慶己未年補博士弟子員皆

氏撫育教
養之力也

羅胡氏

貴陽人原任北城兵馬司羅永年之妾永年沒
氏始十八歲永年病革時謂氏曰汝年少艾又

無子吾死可速嫁氏不從矢志靡他迄
今二十餘年冰玉無瑕可謂苦節者矣

楊劉氏

六家洞小地名官舟坐府學附生楊勳鏞武生
楊通銓之祖母氏年方二十三歲夫故家貧苦

守撫養三歲幼子勤儉持家事養翁姑菽水承
歡松柏節操四鄉共聞壽至八十餘歲亡

曾陳氏 平茶人曾承堯之妻于歸曾門年二十三歲夫故守節四十餘年生子一現年七十餘歲

曾洪氏 年十九歲于歸曾門二十六歲夫亡子一立志守節持家勤儉以針黹度日教子讀書子二十

三歲入泮二十七歲子亡氏又撫幼孫現年六十有五

吳申氏 吳方涵之妻年二十三歲于歸吳門二十六歲夫故氏立志守節績紡以奉高堂晚年翁納妾

生子一數歲妾故氏又撫幼弟鄉鄰稱其賢享年七十六歲

徐劉氏 總戎之仁次女年十六歲于歸徐門夫名揖郡學廩生氏二十五歲夫故守節十八年生子二

現年四十三歲

徐白氏 廩生徐廷柱之妻年十六歲于歸徐門年二十歲夫故守節四十餘年繼子一孫五現年六十

七十有七

銅仁府志

補遺

節孝

張楊氏 係武舉楊政傑之長女生於乾隆十六年時年十八歲于歸郡城處士張先義為室結禱三載

生子希臯夫故立志守節教子義方成立婚配思州府學生員劉錫仁女劉氏惟姑在堂以媳

代子家計寒苦以針奉養秉性堅貞冰霜自勵姑歿喪葬大事皆氏支持至中年希臯亡故復

借媳劉氏撫育孫琳光旭光教讀婚配一一週全守節五十二載享年七十五歲卒

張劉氏 係思州府學生員劉錫仁室女生於乾隆三十年八月二十歲于歸郡城張希臯為妻結禱四載

夫以疾逝氏矢靡他姑性森嚴無不曲盡婦道守節三十九年子二琳光旭光琳光子祖騫祖

賓旭光子祖寬祖容三代一室節孝繼美享年六十歲卒

平治雞冠巖冲壙坪石灰坡道路碑記

劉寶箴

距銅仁城西南十數里有山名雞冠巖冲壙坪石灰坡赴貴陽省會必由之路也余乙酉春奉檄攝銅仁邑篆至斯嶺見其險甚輿者擔者徒步者控轡往來者無不惴惴焉懼於顛躓然山雖險非不可以人力妥為平治竊怪昔之官斯土者何以漠然不一為動心也邑之紳耆具述前官每念及此特以縣治遼濶案牘繁多又署無存公之項是以欲為之輒復止予蒞任忽忽已逾一

銅仁府志

補遺

碑記

年茲事存之心而力未逮因思我令是邦得為不為則後乎我者之怪我亦猶我今之怪前乎我者也因自甘刻苦節制服食捐廉擇日鳩工閱百餘日事既葺予往視收工拾級而登向之無着足處今皆有步武之可循余之心乃始少安矣地方長吏於事之有益於人者得為則為之耳貴一鼓作氣瞻顧因循無謂也有所欲為未及為之如病之常留於心及既為之如醫之驟去其病嗣自今過雞冠巖各處免於行險之虞君子所履小人所視豈不利有攸往歟邑之人請建樹碑坊以紀工

成之年月因書數語記之

銅仁府志

補遺

碑記

二

新建義倉記

署銅仁府事司劉為建設義倉詳明立案以垂久遠事竊照地方建設義倉勸捐穀石以裕民食前經具稟各上憲茲本署府捐穀三百石署縣捐穀一百石並據紳士民人捐穀一千六百八十八石共穀二千零八十八石今於本城書院之側暨去府城九十里之省溪司大佛寺兩處經職員盧大鵬民人徐肇德等捐建倉廩各三間計本城義倉貯穀一千四百七十八石省溪司義倉貯穀六百一十石選擇公正殷實紳士數人妥為經

銅仁府志

補遺

義倉記

管查義倉之設原以備荒歉之需偶值歉歲糶借兼施銅仁府縣地方山多田少乏積穀之家是以捐輸為數無多如遇歉收之年減價平糶尚可無虞虧缺若再加以出借不特貯穀不敷且恐所借之戶難免逃亡故絕或無力還償即着落保人分賠亦恐有名無實徒滋拖累日久終歸烏有再四籌酌嗣後每年當青黃不接時糧價昂貴由首事稟明地方官察看情形酌量出糶至糶穀多寡臨時酌定辦理以平市價所糶之價繳存府庫秋收後買穀收倉如買價合之糶價尚有贏餘作為

額外孤貧老弱殘疾瞽目瘋癱不能行動無靠之人口糧之用不准冒濫所有捐戶姓名及所捐穀數即於各義倉分別勒石以杜侵蝕而垂久遠條規開具於後

計開

一義倉之設原為地方救荒久遠之計經理不得其人必致有名無實日久仍屬廢弛今擬揀派公正紳士數人管理實力維持凡出入穀石按日登簿記載稟明地方官以備稽核如有年老事故由地方官隨時更換

銅仁府志

補遺

義倉記

二

一義倉揀派公正紳士共同經管所有各倉鎖鑰本城繳存儒學收管江口繳存吏目衙門收管如遇暴雨濕漏該管紳士隨時稟明發給鎖鑰及硃標用印封條交各首事眼同開倉察看事竣即加印封謹閉並令各首事一體書押加封以昭慎重

一義倉出入穀石俱用府縣部頒斛斗較量以免高下滋弊

一義倉穀石每遇歉收之年如市賣米價較為昂貴首事查看情形稟明地方官酌量出糶僱夫搗碾

擇期糶賣至糶穀若干臨時察看情形酌定
一平糶米價准照市價每倉石減銀五分庶使貧民
得沾實惠

一城鄉戶口久經給有門牌如遇歉收之年開倉平
糶俱照門牌所開丁口每人准糶米一升不准多
糶凡糶米者照數交籤驗對門牌入冊以便給飛
赴倉領米

一現在義倉捐輸穀石無多每逢開倉平糶若逐日
出糶穀石不敷反致有始無終請定於三六九日

銅仁府志

補遺

義倉記

三

出糶以平市價

一義倉之設原為貧乏者救荒之計若優裕戶口雖
值開倉平糶亦不准糶

一義倉出糶原以出陳易新至秋收買補還倉其穀
務須乾圓潔淨毋得潮濕以致霉變

一存貯義倉穀石共計若干平糶收買俱照一米二
穀不得有名無實

一義穀貯倉只准歉收之年減價出糶以平市價一
概不准出借以杜日久拖延廢弛之弊

一平糶穀價交存府庫秋收買穀還倉如買價合之
糶價尚有贏餘作為額外孤貧老弱殘廢瞽目瘋
癱不能行動無靠之人口糧之用不准冒濫理合
登明

銅仁府志

補遺

義倉記

四

銅仁府志補遺

藝文

傳

楊玉書公傳

徐如澍

公諱通縉玉書其號也世居銅仁龍魚鄉之孟溪公之祖以上六世皆單傳至公弟昆六人公居長次通紳通綬通組通紱通緹女弟一即澍祖妣楊太淑人公生而岐嶷六齡就傅日受書數百言覆誦如流無訛脫十歲習為制藝出語輒驚人里之先達皆以公為文壇夙世

銅仁府志

補遺

傳

再來人及補弟子員名震一時屢應鄉試不售沉淪數十年卒以明經終公所為文偶有遺留人間者人爭傳習之嗣後芸窗揣摩家拾其剩粉殘脂因而游泮宮登雲路者不能一一數也公之未生適苦兵亂母吳太孺人懷之走避中孟溪之舉寶壘壘有山高數百仞四面壁立如削俯瞰羣山如碁布然亦一方之勝概也既而公生泣聲嗶嗶壘上居民悉聞之咸謂公得斯山之靈秀云所識古賢前哲嘉言懿行甚多往往述之以為子弟訓津津媿媿不自知其口燥唇焦也遇事一再思判

其是非如黑白之不能相混所見既定雖有以勢迫之以利誘之者不能動早年失怙諸弟讀書及婚娶公竭力支持以成其美為女弟擇所適慎之又慎意在吾祖楊菴公有謂吾家世業儒不能治生商賈者公曰其人高峙嶽立不徇於衆亦不遠於人情福相也豈老於牖下者不於其身必於其子孫議遂定吾家之與楊氏婚自茲始斯事之成公一人之見也後吾祖楊菴公壽八十有一祖妣壽七十有七慶偕老焉中年以漳州公貴就祿養者三十年迭遇

銅仁府志

補遺

傳

二

覃恩累封太恭人孫澍官順天府府丞得加級請封三品淑人世之自謂抱知人之明不以目前所處為一生軒輊能如公之灼然者有幾人哉又秋糧開征例有定額某年縣公某聽書差愆愆意欲額外取之公呈寢其事縣屬之糧至今得由舊時公以食廩及歲已貢於鄉矣子孫族居孟溪極為繁衍遊於庠者數十人舊史氏曰斯干之詩言婦德曰無非無儀言婦功曰唯酒食是議非有迥絕乎人者然罕見焉吾先祖妣楊太淑人有之公太淑人同母兄也稟承先人之訓所以成

教於一家者其遺規亦可想見矣楊氏之興有以哉

銅仁府志

補遺

傳

三

銅仁府志補遺

藝文

序

送太守惟一王公致仕序

張素

方今

聖人在上和樂翔洽四海同風郡縣之民待治於上如赤子當歡笑之際保抱攜持不必擇人皆可以順其欲而適其意至於得所親愛依戀方新而必欲強而去之則啼泣隨之矣歲丁未華州王公祖諱惟一由江左銓

銅仁府志

補遺

序

四

陞來守茲土甫三月以衰老致仕議者謂公之來固嘗覲

丹陛請

天子訓而後來者也而遽老耶或曰公初來沉靜簡默往返省會凡月餘精神意氣誠不可以少壯比或曰衰壯之分在官政不在文貌也公來此挈僕從不過五六人簿書錢穀身自拊擋案上無留牘每日據公座聽斷亶亶終日無倦也遇凶頑傲劣翫法亂紀者輒蹕厲風發叱咤如雷霆觀者為之股慄客至門迎接款洽非劇

歡笑不得去公之於事亦勤矣然皆能贍舉不以為罷
是豈衰老之人所能強支而偽為耶或曰公在江左有
能聲歷署大郡其視銅也地瘠而民貧催科不易訟獄
雜沓被告不投訴捕之則鋌而走劫奪鬪殺聞於道路
刁悍之風傳之上游非一日矣公或者不欲久居此而
自以衰老請退耶或曰否否公任事纔兩月不聞敲扑
而額糧應輸者實倉廩矣催科誰歟初下車受狀百餘
紙公分別准理為之勒限遠者七八日近者四五日原
被証佐悉來聽鞠直者伸屈者服刁悍者然歟強梁棍

銅仁府志

補遺

序

五

徒聞風歛跡城鄉市鎮無夜警焉使公得留此一二年
未始不可以卧理也何以去為歛歟論議行者止坐者
起嘈切錯雜不可指數亦不可以數計如是者兩閱月
而公之行有日矣郡人既無計留公乃囑素紀公蹟以
誌不朽素不文何能稱揚盛美謹按郡人所為私心竊
議乎公者而公之治銅與民之戴公亦約畧可思矣爰
采輯書之卷軸以塵於公公行矣居官之樂何如林下
銅之民誠無福長依宇下如赤子無能為也瞻念之而
已矣

銅江唱和集序

徐如澍

黔省屬牂牁之郡銅仁在楚蜀之間風景依稀烟光縹緲有山有水堪入畫圖一草一花足供詩料惟念地靈之久鬱必需提唱之有人惟我廉階先生攝篆來茲綰符蒞止賢聲夙著訟牒多閒五馬鞭絲每行春而按部一篝燈影輒徹曉以忘眠為構新思以光斯地所慮意或孤行人非同好聯吟既少索和無多茲者藹林鄭公竹香戴叟劉醉侯為諸侯之上客姚秋士實佳士之清才又有鑑湖逸人桂林華胄才識高於羣輩蒼萃在於

銅仁府志

補遺

序

六

一時極目騁懷揮毫落紙一十二景景景有詩五六七
人人能賦自癸未之殘臘迄甲申之暮春花信探尋
二十四番剛過錦箋稠疊百七十首而羸澍學本荒蕪
年尤老朽自註歸田之賦敢勞問字之車迺蒙不棄砥
硌見投珠玉因而步趨原韻無過就正吟壇正虞白璧
之前恐有青蠅之點幸不揮之局外並得廁於集中微
倖何如慚惶滋甚良辰美景賢主佳賓此時海尾江頭
除我盡他鄉之客異日風流雲散對此當接膝之談聊
述短章用志溪山之幸更期後會再添唱和之篇道光

四年歲次甲申四月初四日

銅仁府志

補遺

序

七

銅仁府志補遺

藝文

示

禁派累糧夫示文

張經田

銅仁縣輓運兵米向係在糧道庫請領運脚自僱民夫
從無派累糧夫之事本道查得銅仁縣近來輓運正大
營兵米因運米人夫過多一時不敷僱募飭差添僱鄉
夫以供運送恐不免有派累之事為此仰閭屬軍民人
等知悉嗣後遇有輓運米石由該縣衙門照例僱夫毋
銅仁府志
補遺
示
八
許書差藉僱夫為名致滋派累該脚夫等惟當應募急
公不得因輓運過多格外多索均無違悞特示道光元
年二月二十六日

通行曉諭示文

程恩澤

為科試已竣復行曉諭事使者歷考黔省十餘州郡以文字定諸生之學以鄉評定諸生之品其間聰明穎特頗不乏人惟經書不熟聞見舛陋而師師相傳之法忽諸亦曾當堂講授時藝以義理為宗法度為輔詞華為助賦與試帖取層次格律字取點畫工整不悖六書以其合乎古利於今也諸生有領會者自必正心術勤修省溫故知新專精肄習授讀自給不營錐刀一值科場勃焉入彀既登仕版亦是明通俊偉之才此上之上者

銅仁府志

補遺

示

九

也其或不領會者以安分為恥以抗法為榮包訟櫻糧多方牟利臨試之際粗繙講章強記腐文及至歲科已竣則侈然自放以為秀才之能事畢矣欲入大場先謀作弊懷挾書籍傳遞詩文以僥倖於萬一冒焉得舉如虎而翼小則害於鄉里大則害於天下豈不思天道昭然福善懲惡終至身陷法網殃及子孫此下之下者也亦或與世浮沉甘為愚懦結市儈而為伍束詩書而不觀服則青衿胸無點墨試思

國家培養之厚選試之勤豈欲盡得庸碌卑鄙之人以

充貢舉耶况黔中士氣文風日盛一日使書卷漸富見
聞漸廣又有諸鄉先達為之倡我知殊尤傑出之士斷
不亞於他邦爵久而發其發也驟清望則登三頭顯望
則履三公皆可操券而計傳云有志者事竟成吾恐諸
生之志不堅且銳也使者居此一載餘矣雖不足以鼓
舞振興而區區之心未嘗不願諸生轉而愈上也使使
者三年報政得見此間人才蔚起彬彬乎禮樂絃歌之
大邦不特諸生光榮即使者亦自他有耀矣故或獎或
懲無非欲諸生上達而已

種橡養蠶示文

吳榮光

宋如林

為曉諭種橡養蠶以收地利而養民生事照得本司等蒞任以來訪察黔省地固瘠薄民多拮据推原其故由於平素並不講求養生之道則地利不能盡收而民情又耽安逸無怪乎日給不暇者多矣查遵義府屬先於乾隆年間前府陳守來守是郡知有橡樹即青桐樹可以飼蠶有蠶即可取絲有絲即可織紬隨覓橡子教民樹藝並教以養蠶取絲之法故至今日遵義繭紬盛行

銅仁府志

補遺

示

十一

於世利甚溥也他處間有種植青桐樹惟取以燒炭並不養蠶且樹亦無多若將不堪墾種五穀山地一律種橡養蠶則民間男婦皆有恒業其中獲利不獨遵義一府矣查種育之法其樹有二一名青桐一名榭櫟其子俱房生實如小棗植法於秋末冬初收子不令近火冬月將子窖於土內常澆水滋潤逢春發芽無論地之肥瘠均可種植三年即可養蠶春季葉經蠶食次年仍養春蠶或養秋蠶亦可須隔一季四五年後可伐其本新芽叢發又可養蠶其春秋二季養蠶及取絲之法各有

不同一得其法殊不為難端在地方官首為之勸諭也
此時種樹飼蠶大率皆知更非從前陳守之創始者可
比惟收買椽子必須價本如今民間自備資斧遠處收
覓亦勢有所難茲本藩司籌辦經費委員前赴遵義定
番一帶採買椽子收貯在省各府廳州縣酌量多寡赴
省領回散之民間曉諭居民毋論山頭地角廣為種植
二三年後即可成樹俟到可以養蠶之日仍由省收買
蠶繭散之民間令其蓄養於樹凡收買椽子蠶繭無須
民間資本不過自食其力而已至種椽育蠶之法現亦

銅仁府志

補遺

示

十二

刊刻條款先行發交各府廳州縣隨同椽子分給該屬
居民遵辦並免一切稅銀成繭之日務宜繰絲售賣蓋
賣絲之利大於賣繭也為此諭仰閩省軍民人等知悉
爾等於耕作之外更宜盡力蠶絲俟椽子及條款發到
該管衙門即赴署請領如法照辦凡書役人等不須需
索一文本司等因本省山多田少謀食維艱採訪生財
之道以裕民食各宜凜遵特示

道光四年閏七月十三日

種椽樹飼蠶法五條
椽樹即青桐樹

一遵義府原產樹名青桐繼將飼養山蠶者二種一名青桐葉薄一名槲櫟葉厚養蠶更佳即河南山東所產之槲櫟也其子俱房生實如小棗植法於秋末冬初收子不令近火冬月將子窖於土內距二尺許一顆春令即生有將子全窖一坑上微覆土冬常澆水滋潤逢春發芽始植遵義半皆瘠地猶且易樹若植腴沃之地三年即可養蠶如本年春季此段葉經蠶食次年又養春蠶或養秋蠶須隔一季不可接連重複此段至四年五年可伐其本新芽叢發明年又可

銅仁府志

補遺

示

十三

養蠶養至三四季後又砍之使發如樹嫩葉蔚風雨調和蠶繭更形繁茂

一春季養蠶之法於隔年小陽閏旬後揀其繭之重實有蛹者以篾篾盛之迨次年立春後紙糊密室一間將繭篾置於週圍中心以柴火微烘晝夜無間漸畧增火至春分前後覺蛹稍動彈用線穿繭成串搭於四圍竿上仍以火烘量其地土之寒燠寒則微火緩出蛾燠則甚火急出蛾出隨拾入筐雌雄配合眉粗者雄眉細者雌次日摘取雄蛾另貯數日自僵止提

雌蛾微以手捏去溺否則不卵置筐中微以火助其
暖始能生子在筐猶不斷火或借陽光旬餘蠶出如
針大以青桐嫩枝葉置筐內外其蠶自上枝葉即將
蠶枝取置樹上先食嫩葉五六日初眠不食葉二三
日蛻去黑殼色分青黃又五六日二眠繼三眠四眠
後食葉旬日噤口退臊吐絲成繭閱三日漿固連葉
摘下去葉縹絲如不即抽絲越十餘日遂變蛹出蛾
不堪抽絲如留備抽絲以火燻之則不成蛹每遇蠶
眠時不可剪移俟起眠後葉盡用鐵剪連枝剪移他
處

銅仁府志

補遺

示

十四

樹蠶一入山須人看守禽鳥其蠶筐務以黃荆嫩條
為之用蓋其餘竹木所為則不能粘子次年定須新
製

一秋季養蠶於蒲節前後收入春繭時將繭穿串晾於
竿上不使罨壞旬餘成蛹出蛾拾入篋篋雌雄配對
次日午後只將母蛾微捏去溺以四寸長線兩頭各
繫一蛾搭於青桐樹上自然生子於枝葉間出蠶春
蠶宜稠散樹上葉盡剪易秋蠶宜少撒樹巔由嫩食
老秋天林中多油蚱蟥宜夜間伺聲以捕

一取絲之法以大鍋盛冷水每次二三千繭煮半時翻轉又煮三四刻再翻俟繭將軟用苡草灰所淋之汁量繭多寡酌傾入鍋再煮一二刻視其生熟試如不熟再加灰汁畧煮以短小竹棍搥其浮絲成縵分作數提仍存鍋內不可斷火若絲不順稍加以火水熟則絲易抽絲之粗細視提絲縷之多寡由絲籠上車旁以大車枕之取剩餘殼名曰湯繭及破口繭不堪取絲者另作紡線墜絲水中所抽名曰水絲織紬綿軟再合成線織為合線紬尤為結實所提浮絲亦可

銅仁府志

補遺

示

十五

洗淨作絮

一繭質輕薄不堪繰絲者名血繭暨出蛾之殼並湯繭均用猪油少許和水浸濕蒸透以水洗淨晾乾扯絲織紬彷彿新絮所產故名繁繭又法以苡灰水煮後罨軟套若拳狀扯絲墜線織為毛紬其需用器具如抽家絲法

札發治疫醫方示文

吳書城

為札發事照得旬日來省垣附近居民多有染患轉筋霍亂鈎脚痧等病症者其現症大抵腹痛吐瀉四肢麻木厥逆轉筋伏脈此迺時邪疫疹深中肝厥陰猝發為患療治稍遲或治不如法一晷刻間立可戕生其害甚烈經本署司覓得靈通萬應丹等經驗良方依方捐廉製藥並刊方載明主治及服法示諭居民遇病領取救治日內又傳聞安順等府及歸化各處民間患此等症候尤夥亦經刷方札發該三府配藥施治惟流行時毒

銅仁府志

補遺

示

十六

不以地限且傳染最易誠恐該府親轄並所屬州縣地方居民庸有染患前項各症即或現無其事亦不妨先事預防合急一併刷方由馬遞札發札到該府並轉發所屬州縣各照依發去本方修合藥餌曉諭居民如遇染患前項急症即領藥療治並將靈通萬應丹方所載針刺灸灸諸法刊刻張貼共知急救之法俾甦瘠獲全生命此父母斯民者諏諮疾苦之一端務實力行之切切特札道光四年九月初二日

急救神方

牙皂 三錢五分 硃砂 二錢五分 明雄黃 二錢五分

北細辛 三錢五分 廣皮 二錢 廣木香 二錢

蘇藿香 二錢 桔梗 二錢 菀仲 二錢

蘇薄荷 二錢 枯礬 一錢五分 白芷 二錢

防風 二錢 法半夏 二錢 甘草 二錢

諸藥照分稱足共研細末裝瓶隨帶身旁可治急症
初起手足麻木腹中疼痛脈散牙緊閉目不語或喉
腫心痛頃刻垂危名曰硃砂症又名心經疔遭此患
者先用藥三分吹入鼻孔內再將藥稱足一錢薑湯

銅仁府志

補遺

示

十七

冲服服後用紅紙捻照心窩背心兩處見有紅點發
現即用針挑破內有紅筋挑出方保無虞此藥不但
專治此症一切感冒傷寒痧症亦可治之

鈎脚痧神效方

柏子仁 一兩 黃柏 五錢 厚朴 三錢

製香附 五錢 榆樹皮 五錢

研末極細可治鈎脚痧及滾肚痧絞腸痧等症病初
起時脚跟麻木旋即不省人事即將藥三錢用薑湯
溫服再用五錢將頂高陳醋一大鍾雄黃調水一大

鍾和勻塗抹兩腿至脚跟如敷藥不愈用楊枝葉不拘多少搗爛塗之無此病忌服

解瘟方

明雄黃 三錢 枯礬 一錢 菴 仲 三錢

大蒜頭 一個

右藥同入食水缸內可解瘟疫症

靈通萬應丹

專治時瘟小兒每服三九大人倍之孕婦忌服

錦紋大黃 一兩

母丁香 九錢

硃砂 二兩 飛淨

麻黃 一兩 五錢

明雄黃 二兩

麝香 三錢

銅仁府志

補遺

示

十八

茅朮 七錢

真蟾酥 九錢 酒浸

明天麻 二兩

右藥共研末極細用糯米漿為丸如梧子大硃砂為衣治一切翻症救急神方分別各症治法此症初起四肢麻木急服前藥若麻至腰間脈散無救一切翻症名目開後

一烏鴉翻其形頭痛昏沉眼黑惡心兩腹發抖心痛驗舌下有紅青紫黑泡即用磁針刺破或雄黃或炮薑黏之再用白湯和藥服即愈 又烏鴉翻來時頭痛頭沉眼黑心發觸指甲青遍身青上吐下瀉口不能

言小腹疼痛甚至無脈遍身冰冷如不治頃刻殞命
牙關緊閉速用物撬開口齒若是舌根有水泡者速
用針刺破見血用雄黃末點之滾水沖雄黃末飲之
蓋被出汗即愈

一兔子翻其形光直不停用炮薑和水即灌灌過歪倒
用溫土埋頭使聞其氣即愈

一長蛇翻其形腹痛就地打滾挑肚臍三針頂門二針
足心二針即愈

一纏絲翻其形腹脹頭疼心翻前後心有黑絲黃眼者

銅仁府志

補遺

示

十九

用針挑眼米醋擦之如週身麻木無此眼者即是心
生痧子腕足各挑一針炒鹽敷之即愈

一啞叭翻其形不能言語用鞋底沾水打頂門女人未
經產者將頭髮分開手摸涼水輕打頂門即愈

一母猪翻其形拱地除拇指外下餘四指兩旁各挑一
針又挑舌根用水入猪食盆內取器裝服之即愈

一蝦蟆翻其形腹脹痛於肚臍週圍挑七針又小腹挑
七針即愈

一白眼翻其形白眼灸頂門三艾火不必燒着肉如不

好再灸三艾即愈

再無論長幼男婦未染此症先尋兩膝彎有紫筋並紅筋者便是此症用針照紫筋處所刺出紫血可保無虞忌飲酒生冷等半月

右靈通萬應丹方主治各翻症併及針灸法為黃刺史似瑤所貽原註云湖南署刊方不著撰人姓氏亦未知楚省何署刊行其方藥及翻症名色都古籍所不載針灸不盡按俞穴文極俚近然患此者依斯法療之應手輒活最稱神效豈不以天行

銅仁府志

補遺

示

二十

時毒其現症時異而歲殊故治法謀新而舍舊訛病溫為瘟易變瘡為痘瘡不必襲曩名吳氏權輿達原飲張氏濫觴新方八陣方不必泥古製醫壘元戎比用藥於用兵景岳書亦云然則岳鄂王野戰制勝不大愈於宋襄墨守古之為軍致敗衄耶此方專取經驗有實效是用刊布以廣其傳其名其文要可亡論已道光甲申仲秋月卧樓氏識

清理詞訟規條

張經田

州縣為親民之官事無鉅細均自州縣起民於命盜案件罪名出入民命攸關皆知講明切究加意慎重每於詞訟輒輕心掉之以為無甚關係不知公門造福最易造孽亦最易而造孽之日積月累而不覺者莫如詞訟聽訟者無德足以畏服民之心志使民無訟必思所以清理之法使民息訟衙門積習已久錮弊難除為良有司勵精求治能知設法清理必有一番整頓痛掃從前習弊余在黔省曾任思州安順思南三府與直隸州無

銅仁府志

補遺

示

二十一

異皆為親民之官於自理詞訟經歷年久頗習情偽爰就現身已涉之境小民中害之處漫擬清理詞訟規條十則願諸寅好時時存一點惟恐冤民累民之心倣此規條實力措置而寓神明於矩範之中亦可斟酌權衡隨機應變案牘雖繁較有把握情詞多幻不受欺朦已告者易於完結不致疊翻未告者自必漸稀無虞滋蔓矣通達事理之人治繁若簡雖忙亦閒良由得其樞要操縱自如非若闇於治理者之治絲而棼漫無頭緒也臣鑒錄云住世一日則做一日好人居官一日則行一

日好事所謂好事者於百姓苦累處設法補救於百姓利益處銳意措施為斯民培一分元氣即為自己種一分福澤先儒云無忠做恕不出必先有不容己之心而後有不容己之事夫事非一端從何處安排請自清理詞訟始

一府縣三八收呈有飭承傳遞者有委員代收者不過一時省事而究非省事之道也余以為省事之法必求息訟欲民息訟不在收詞而在審詞放告之日必須坐堂逐名訊問或首賭首姦全無憑據或指實某

銅仁府志

補遺

示

二十二

事並不干己又有捏名包告及所告荒誕不經者按其情節察其辭氣反復推求其詭詐刁謊情形不難立得輕則將詞擲還重則量予責處如此則收呈之日當經一番審訊即加一番懲創庶訟師刁棍有所嚴憚不敢巧為嘗試矣而代書聳飾之詞亦不禁而自絕衙門中事逐緒紛來欲求無事先從不厭事始若耽深居半刻之便安即添日後無窮之煩惱孰得孰失必有能辨之者

一批詞濫准不可驟准亦不可有事關緊要如命盜姦

拐重情一經呈報立即准提稍縱即逝刻不容緩其
有尋常控件雖情詞迫切而介在疑似宜先駁詰俟
其續訴然後酌奪應准與否新官蒞任訟師側目必
多謊聳之詞以試其譎張之伎倘批飭稍疎則刁風
日熾至於告姦尤不宜輕准如所告屬虛則壞人名
節即所告屬實亦當顧人廉耻往往任意准審以至
醜聲外揚或冤遭不白或敗露含羞每致婦女短見
自戕其生孽將誰歸此等有關風化曖昧不明之事
虛實本難定斷辦理何可輕率與其准而或失之枉

銅仁府志

補遺

示

二十三

莫若駁而姑失之縱方不至有傷忠厚例載非姦所
捕獲及指姦者勿論例意何等慎重幸熟審之
一控案不可輕提邑中命盜事不常有涉訟者類皆口
角爭鬪戶婚田土細故果能按事切理導以利害諭
以情法剴切批示有以折服其心亦可隨時消釋如
開導之不足則批親鄰調處以次寢息辦一片至誠
心為民排難解紛此中轉移之機有潛消默化而不
自知者此可為真切愛民者道耳如情節重大仍應
提訊實究虛坐若聽其起滅自由適以長刁民誣告

之風訟棍包攬之伎不可不別

一控詞到官經年累月而不得結或案甫結不旋踵而隨即翻異者必有訟師從中主唆鄉里無知之徒豪猾喜事之輩一紙一字一供一結無不聽命於訟師訟師利其延宕以飽其咀嚼以至輾轉上控拖害不休冤累善良挾制官長害孰甚焉凡遇有難結之案先究訟棍凡訟棍姓名出入踪跡歇家原差與被害之家無不周知慣訟之徒以訟為業其原詞底稿及為他人所作詞稿或隨帶身兜或藏放箱籠一經探

銅仁府志

補遺

示

二十四

明住址委曉事之員隨帶幹役數人於深夜至其住所嚴密搜查新舊詞稿必無遺遁得慣訟之確據即可按例懲辦而本案之曲直即可由此而定余屢結大案皆從此得手蓋除訟棍以去其主謀之人則好訟者且束手而無所適從案不期而自結矣

一地方命案真者少而假者居十之八九如投河自縊與人無尤屍親藉命居奇捏情誣扳更有病亡路斃別無他故土豪謀財磕詐飾詞架控地方官聞報命案心驚色駭忙無把握往往不察虛實據訴批提迨

至提到審誣得實又復調停遷就聽其悔息取結完
案案則結矣豈知被誣之家只圖了事安家不知花
費幾許使用而已墮奸民之術中矣遇有此等報案
不批不提但就告狀之人即時帶訊逐層研究察言
觀色乘隙搗虛張嚴之聲加以恐嚇不難立辨其妄
誕使之詞窮理屈無可置喙隨即取具悔狀核其情
節輕則枷杖重則坐誣萬萬不可輕縱從此一番懲
創由是訟師土豪聞風胆落無敢攫其鋒者仰神君
而歌盛德其為民造福豈淺鮮哉

一衙役但取足用以備使令近日差浮於事小縣至二
三百名大縣至四五百名不等此等託名在官不能
一一盡喫工食無非藉差票以資生計一票到手如
獲珍奇不論事件大小騎馬坐轎呼朋引類一抵原
被之家輿馬酒食而外講差禮增使費一村騷動如
遭兵火甚至妄拿私拷萬般磕詐柳宗元捕蛇論所
謂叫囂隳突古今同此一慨為民父母撫念及此減
之惟恐不及奚可任意加增嘗見舊官卸事紛紛保
充其中即有革役更名復充者亦即准充列簿移交

後任以市去後之恩不知多設一役徒為百姓增一豺狼為新官添一爪牙人特未之覺耳事非命盜重情止須兩差若以票少役多徇情僉賞是以提傳之牌票竟作獎賞之私恩剝黎庶之脂膏而飽差房之貪壑也於心忍乎智者不可不察票差有名之外毋許幫役白役糾夥同去不許擅用轎馬勒索規例如有違犯許原被害之人稟官究處即將此數語於票尾用戳載明並申明禁令使衆咸知雖未能剔除淨盡聊使若輩觸目警心此息事安民之第一大助

銅仁府志

補遺

示

二十六

也

一衙門片紙隻字均關民間休戚不加一番檢閱則吏役逞百般之舞弄而百姓即受無窮之擾累如票稿一事人所易忽不知詞列証佐主唆羅織多人隨意指扳若不細核原詞斟酌刪減則牽連株累波及無干一人在官合家驚恐所謂堂上一點硃民間千點血此之謂與幕友多以票稿無甚關要信手點去東家復不留心寓目亦信手畫行其造孽各有所歸余深知其害惟恐濫提看稿時必加意刪除其中偶有

應提而刪去者且訊過一堂再行補提如果酌理準情有以帖服其心往往就案了案但據已到原被三兩人一審了結亦不拘於必欲補提也

一凡審過一案當堂將斷結原由諭知原被人等應取遵結者押令即具遵結當堂呈閱有契紙在卷者亦即於審結後隨堂檢還取具領結以免差房措索重費誅求無厭俟一切皆結方可退堂即將本案呈稟粘連成帙後叙讞語附卷以立案據而斬訟根仍將讞語貼示照壁其讞語不必冗長止要將所斷要語

銅仁府志

補遺

示

二十七

寫出或有案雖審結而契紙地界勘驗未確稍涉疑似慎勿驟斷定讞致有翻異而貽後患

一訟案久延多由原差弊擱一票到手恣意需索未遂所欲即多方支飾催審至再總以人証未齊捏稟延宕或由被告畏審原告情虛受賄故縱者有之若不立法清楚任其延宕案日積壓民受拖累其流害何可勝言其法維何每僉一票視路之遠近限以幾日帶訊於票上註明限期案不到則提比提比之後再有遲誤即責革另僉果能如期帶到案結之後隨僉

一票以鼓勵之並記功拔用庶幾原差知所勸懲踴躍急公而事無叢脞之虞矣

一繁劇之區詞訟糾紛除候質人証情輕取保外或情重難釋或追贓不齊勢不能不暫為押候此項押犯每見十數人聚一幽室穢氣薰蒸不可終日幾同地獄若交原差管押不遂其欲則恣為凌辱其痛苦之狀有不堪者全在地方官設法清釐隨時審豁以免羈候拖累之苦更宜另立簿籍逐日稽查以免私押賄脫之弊

銅仁府志

補遺

示

二十八

勸戒食牛殺牛文

張經田

牛為養命之源服田力穡無一不藉牛力冬春翻犁五六人之推挽不敵一牛之荷負牛之有功於人夫矣哉試思高黍下稻千倉萬箱酒醴以奉神明盈止以樂婦子微牛之功不及此又况牛之為畜也饑齧野草渴飲渾泉不費主人一錢早作夜休行泥負重悉惟主人是命人何德於牛哉牛亦何負於人哉彼夫力田之家每念其服耕之苦有功於己食其力者償其勞當老則畜之死則埋之或至老且死剝其皮而用其骨則已愀然

銅仁府志

補遺

示

二十九

有不安者更何忍利其健壯付之刀俎以快屠門之大嚼使受炮烙之慘刑哉牛者上天元武之精下土太牢之醜非郊祀不敢用非天神不敢歆德門戒殺但凡生皆不忍傷况牛為大畜乎禮云諸侯無故不殺牛在士庶之家何可殺之食之或者謂食者無罪罪在殺者夫操刀之罪既已通天而食肉之人即同戎首使世無食肉者則殺之何益是以王章必除私宰冥報最重食牛例載私宰耕牛至三條者問擬發遣王章具在何等森嚴至冥報則多見於感應記近相傳里人有好食牛肉

於卧病時有作牛喘而死者並聞有求死不得術者置屠家一刀一盆於牀下隨即氣絕者是可愍也丙子湖南鄉試有士子楊某素號能文頭場謄真畢於卷面書平生未損陰騭但於牛肉未能嚴戒十四字因此被貼此則吾鄉近事報應之較較者以知戒牛不嚴大闕陰騭以此類推真可鑒戒近日偷牛疊案皆由屠牛者衆易於消贓私宰充衢亦由食牛者衆易於牟利夫人不食牛則殺牛者易業矣人不殺牛則偷牛者斂手矣大凡時氣流染感於人心先賢程子云水旱螟蟲之災兵

銅仁府志

補遺

示

三十

疫牢獄之苦多由傷生所致而殺牛為重又仙子簡書云六畜皆前業惟牛最苦辛君看橫死者盡是食牛人近日人多災疾焉知不因宰食報業其沴戾之氣有以感之嗟乎世間何物不可食而必以服耕有功之畜充其饑腸人生何事不可做而必以祭享有用之牲資其生計上干天地之和陰受鬼神之譴豈不痛哉孟子曰人能無以饑渴之害為心害可知口腹亦關心術我輩學道人當知持戒而市井或不之察更望仁人君子於鎮市鄉村中轉相告誡俾全物命以重農功其果報又

豈可思議耶道光四年甲申仲秋月示

按以上數條在凡例應歸省志現因地方奉行刊示
力為勸諭銅郡官吏士民罔不欣欣以為實係有裨
地方之事劉向齋賢守欲其行之久遠也澍因採輯
之入郡志補遺道光四年十一月二十六日如澍記

銅仁府志

補遺

示

三十一

到任觀風示文

劉紹綰

民風視乎士習學問驗諸文章潘令栽花邑皆桃李文
翁治蜀人盡詩書伸氣節於士前王前風寧云邈溯虛
懷於兄事友事傲也奚庸况今

聖教覃敷人文漸盛明知高山在望百里士而千里賢
竟任空谷遐心氣如蘭而人如玉有司之過也造士之
謂何銅邑地處邊隅界連楚蜀一亭獨峙雙峽競流雲
彩嵐光爽挹黔靈之秀物華天寶星分參井之輝遊梵
淨山前勃萃早探理窟過澄江樓畔沉潛共證經心固

銅仁府志

補遺

示

三十二

宜文運宏開表霞蔚雲蒸之瑞人才勃起萃南金東箭
之奇本縣訓稟鯉庭名題雁塔叨膺

簡命承乏常豐親案牘以勞形吏紛白事趨郵亭而送
客身盡縑塵然而結習未忘風流斯在每遇折腰之眼
亦尋醒目之方敢云手是八叉或者肱曾三折抗千秋
而尚友樂可忘疲假一日以談文清堪醫俗謹諏新府
憲甄別書院之次日集闔屬生童分題授簡下楨研精
聽□履於晨曦願勿後至屏蘭膏於夜照且及同歸邑
宰謂誰猶憶伊唔風雨諸君好我無慳咳唾珠璣為此

示仰闔邑多士知悉爾等先期赴禮房報名屆期齊集
衙署候本縣點名給卷局試文思泉湧筆陣雲騫共惜
分寸之陰先勵飛騰之志或鎔經義或鑄偉詞或熟瀛
洛關閩之編或接韓柳歐蘇之統或八股或單行整散
隨人總期各抒手眼或西江或北地楷模先輩莫非相
接元燈或抽祕騁妍無妨誇賦才於梁苑或揚風扞雅
更望畫詩句於旗亭且夫別神駿於臯欽出牝牡驪黃
之外賞清音於牙曠在抑揚高下之間匣劍光騰此日
預持左券囊錐穎脫他時定遇知音詎曰運斤成風比

銅仁府志

補遺

示

二十三

郢人之逢匠石亦冀輕儵出水同裴迪之遇王維好為
人師匪俗吏之所敢出去其自足諒高賢之所樂聞諸
士其嚙肯來乎本縣且楚然喜矣毋違特示

銅仁府志補遺

藝文

誄

張力人先生誄

單國佐

歲丙申余恭膺

簡命典守銅江蒞任以來喜人民質朴習俗敦龐間易服外遊巡視但聞書聲娓娓不絕而一二世族名家尤能重禮讓崇信義猗歟休哉何風之古也意山川靈淑之氣所鍾毓者然歟郡人告余曰其所由來者漸矣郡

銅仁府志

補遺

誄

三十四

城有張老先生名立賢字宅三號力人者於今春元日謝世享年五十有九其生平行誼卓卓實胥吾銅之心風俗涵濡而甄陶之先生兄弟六人行最少其曾祖暨祖俱贈驍騎將軍伯志尹翰林院左春坊左諭德任江南提督學院父石公以侍衛任湖廣襄陽總兵先生育養於襄陽任所十三歲隨父解任歸銅嶄然見頭角衆謂張氏有子矣已而四壁蕭然日給維艱而先生好學不倦風雨晦明益自刻苦年十九入泮宮一桂鄒文衡嘗顧而歎曰此豈池中物也不逾年拔成均適榜下

選例停未授職歸閩數年入太學應京兆試又不如
意由是之川之廣之兩湖為幕府師公餘之暇勤習舉
子業庚寅

恩科中式第十一名時先生年蓋五十有二而前之不
第已十餘次矣吾銅人莫不加敬誠子弟以張君業儒
既精而能不隲其志為法所尤難者孝友性生先生獨
能務乎其大其不中而不已者以揚名顯親在念也先
生兄弟六人各挾策走四方顧聞有病患雖數千里外
未嘗不往視也接有音信雖數千里外未嘗不來看也

銅仁府志

補遺

誄

三十五

厥後花萼輝暗諸子有不能自給者而先生動引為己
責衣之食之及患難死喪蓋莫不竭力而俾無遺憾也
其於族中之貧乏者亦莫不然遊幕他邦所獲館穀盡
分散不私於己時有勸以置產為其後世計者而先生
輒泣焉流涕曰撫吾族之嗷嗷幾食不下咽矣忍而肥
己何面目復上先人邱墓乎嗚呼士窮乃見節義彼借
父糴粗慮有德色毋取箕箒立而評語者固宜禽獸夷
狄不忍為而宗族一家判若參商若越人視秦人之肥
瘠漠然不加喜戚於其心聞先生之風夫亦可以少愧

矣至於中仁萬公之母節孝一坊皆先生力為請建先
年萬公與結交樂為之盡其至此亦能報其所施庶幾
所謂一死一生乃見交情者他若廉隅必飭戚誼必周
其落落表異之行斯又未能更僕數也余聞之竊心忤
焉噫嘻古之所謂鄉先生歿而可祭於社者其在斯人
與其在斯人與先生所生一子名繹蚤列宮牆蔚然儒
林之望使其家聲克紹安知不克如瀧岡阡表褒揚先
生之盛德為足以名聞於天下然而余之所得於郡人
告語則固幸其耳熟能詳且樂余銅江之所由烝烝進

銅仁府志

補遺

誄

三十六

於古也爰作哀詞以誄之詞曰

嗟淳風之既邈兮先生獨葆其天真雖愛素而守朴兮
實德積而潤身奮艱難於儒修兮為有懷於二人念葛
藟亦庇其本根兮豈友愛弗篤於天倫抑伏波其授誠
兮傲子敬之指困是足以厲世而磨鈍兮安在非絕類
而離倫嗟嗟胡珠斗之芒寒兮悼蒼穹之氣薄咸陽之
樹西靡兮箕尾之星夜落緬芳躅之茫然兮追儀型而
闕若或地下之文時修兮或玉樓之記待作緣駕白鶴
於雲津兮亦乘赤騎於寥廓徒使余空憶至性之肫肫

兮而揖高山之嶽嶽

銅仁府志



補遺

誅

三十七

銅仁府志補遺

藝文

墓銘

張母李太夫人墓志銘

方黎如

世多造作言語以諛墓中人而於婦人尤異甚蓋婦人
內諱不出耳目易塗而世平道明又非有卓詭切至若
前世賜號貞義圖畫禮宗云云者家人筐篋恐瑣細不
足以名則遂構虛不經為之繡其鞶帨嘗見有十指懸
槌生未讀靈光殿賦而魂魄一逝輒有名廁婦人集中

銅仁府志

補遺

墓銘

三十六

婦姑勃礩而相其幽堂之銘即劉向所叙列女不啻也
游辭不已邪說遂作乃更以辨彊為婦能以干與外事
為可比蹤英傑大書深刻使人笑來嗚呼何其戾也吾
夫子之言曰凡溢之類妄妄則其信之也莫彜如是愍
故為封太史公誌其夫人之墓也無溢辭夫人姓李氏
考明宇公世籍直隸山海關明宇公來銅仁與故將軍
許山張公同事鞍馬間相得歡甚將軍見其子即封太
史公也頭玉硤硤嶷然殊異明宇公知其非庸人遂妻
以女於是夫人生十五年矣夫人自在家時婉孌淑慎

故號女表明字公夫婦奇愛之誓不以予凡子既饋而
公姑交賀謂賢乃過於所聞夫人蓋逮事潞山公者十
年事姑蕭太恭人者餘四十年為母者亦餘四十年中
邁豺虎晚被金紫憂歡甘苦變態若春雲而夫人夷險
一節故人以為難初吳三桂敗死三桂餘黨挾其孫世
璠保黔中憑阻作昏放兵四劫思石間人民訛謠嘗一
日數十驚皆走不知所往當是時潞山公已前卒封太
史公奉母蕭太恭人謀息肩之所而夫人以一弱女子
抱嬰兒與俱蓋徙倚者久之歲庚申乃自六龍山避居

銅仁府志

補遺

墓銘

三十九

城北三十里土屯六龍山深昧多險而土屯為甚孤撐
巉絕草木蒙籠其上若攢鏑鉞仰視出天外不可梯接
中有危途垂綫縷容一人行行者前後履頂相見也若
畫重疊人然夫人之偕封太史公避亂來此也無見糧
間使人持錢易斗粟城中又不時至則拾橡栗并糠覈
食之熊咆虎嘯終夜有聲蛇或直入人卧內而飛猱緣
絕壁桀石投人牀褥皆迸碎人人震恐夫人意色自若
晨餐夕膳事蕭太恭人滋益共太恭人則彊飲食含飴
弄孫封太史公乃得治辦一切以間課今宮諭入小學

踰歲歸其居而宮諭則經書皆默記有頭角矣夫人力也自許山公之卒而蕭太恭人倦於勤封太史公又數為旁郡國使者延致幕下治文書久者數歲蟬聯不得歸家事細大一以委夫人夫人營治勤劇動得理所辨色而起寢則漏下三鼓矣猶時時從枕席上問家人處置什器以不也以為常封太史公以豪聞人有緩急遽解橐中裝應之宦遊不遂家益落顧好賓客客至無知與不知輒令家人治具設酒食淋漓酣嬉飲至夜極歡而去遇空無時夫人往往去簪珥及其嫁時衣被物賣

銅仁府志

補遺

墓銘

四十

以共具封太史公見咄嗟而辦也不問所從來夫人亦竟不敢令封太史公知也封太史公嘗蚤起門門有尋常往還人聒而與之語所語無一急者顧刺促不休封太史公至日曛未餐也家人辯嘗食夫人終不敢嘗食忍以待封太史公其共也如是夫人遇子婦如嚴師承顏接詞則訢訢如也廬兒閤婢亦莫不人人自在者性密靜有思織紵組紃治酒漿菹醢及其他點酥剪綵皆佳妙為九族宗師然夫人歲衣其故衣諸子送新衣者篋寘之間出以承祭祀及時節慶賀之用旁觀者竊笑

曰太夫人乃復有行來衣耶日再食食無重味歲行盡矣則率子婦為糗餌粉醢以頒親舊必徧已顧弗一嘗其旨否也方宮諭之以檢討

賜洗沐歸謁也馳四乘之傳從車騎雍容傳呼甚寵黔中大吏遣使者迎勞道路郡太守以下皆郊迎盛服上謁於是入里門宮諭趨至家及溜拱而立夫人則隨封太史公服

命服從容侍蕭太恭人出宮諭上堂問起居以次行家禮當是時觀者如堵牆門巷填咽里中爭持羊酒賀

銅仁府志

補遺

墓銘

四十一

人以為榮於是夫人乃前宮諭謂之曰吾始願不及此雖及此吾何德以堪之吾自汝舉進士俄入翰林意中戀戀無食息頃忘者吾每從汝父聞條報

朝事云某某者謹死矣則使我心悸唯恐汝腸肥腦滿不自貴重以及此憂也既汝父從長安來為言兒子輩敦厚周慎勿復煩頗衰老子也吾始若釋重負然然汝德薄賴前人光以有今日福過災生不可不戒吾未諳書然桓少君不忘鹿車時事亦獨耳剝日久今吾每飯意未嘗不在土塋也既而叅軍謁親歸子舍夫人誠亦

如之其知大體洞澈有深識又如此夫人自中年傷於
哀樂數哭其女已又哭蕭太恭人一慟幾絕謂其並遭
辛苦相依為命者四十有四年乃忽取諸其懷而去之
也是為康熙己丑逾二年夫人竟卒卒之明年二月而
宮諭始聞喪於江南學使者官舍委節去位成服而後
行葬有日矣則遂以封太史公之命授使者詔小子埋
辭幽墟以相茲役也小子於宮諭為門下士登枝捐本
我則非人而韓子謂施家之難甚吏治維我夫人勤以
嗣其家而恭儉慈惠喜無失節安不忘危蓋彌為其難

銅仁府志

補遺

墓銘

四十二

者妻道臣道徽美未殊已夫人之德碩行淑而猶謂囊
篋細碎不足昭我彤管則是必彊壯蠶氣等輩趙張乃
稱良二千石而黃霸朱邑之廩廩君子溺其職也爰不
自涯最其迹如狀并據所聞於宮諭者參伍之而措之
幽陰夫人子四長即康熙丁丑進士提督江南等處學
政左春坊左諭德兼翰林院修撰元臣者也娶劉氏士
瞻公女次殿臣由侍衛再遷為山東曹州營叅將康熙
癸未武進士也娶徐氏廷弼公女次世臣次簡臣並太
學生亦並娶於李氏一邦彥公女一成功公女而簡臣

前已嗣叔父珍為後服夫人之喪降一等焉女四長適
銅仁府學生傅响蚤卒餘俱殤孫男十人元臣出者三
殿臣四世臣一立德立本立行立中立宗立人立品立
勲其名也降服子簡臣出者二曰立功立名孫女三人
一出元臣一出殿臣一出世臣夫人卒以康熙辛卯之
十月二十九日而其生也則順治壬辰十二月二十八
日也於是甲子一終矣乃為之銘銘曰
僊僊乎歸矣顯魂閔此吉祥兮止止茲其為豐水之芑

銅仁府志

補遺

墓銘

四十三

銅仁府志補遺

藝文

詩五言古

銅仁迎春和韻

文如筠

春從何處來民樂春酒醉寒盡霜雪天舟泊銅江次迎
春之東郊四面春風吹杖履耆耆觀簫鼓兒童戲衆人
何熙熙陽春回此地江山呈秀色花木饒佳致鳥聲清
以和春草多生意化工有妙理亦行所無事惠我君子
言得拜仁人賜春澤下尺深春雲四野被政豈尚鷹鷂

銅仁府志

補遺

詩

四十四

將以扶善類古人拙催科其心勞撫字每讀良吏篇一
一思仰企愛士先愛民彼姝何子昇威怒德亦驕復有
毀譽至吾惟慎吾心持平良非易

七言律

觀風示諸生二首

沈樂善

由來多士首斯民棧樸菁莪雅化醇立品須成廊廟器
讀書莫負聖賢身朝陽振響推靈鳳小草從風遍野人
今日黃堂一杯酒相煩散作萬家春

銅江半載去煩苛一意安邊用撫摩不願公庭多雀鼠

惟期比戶有絃歌銷兵久化蠻鄉雨晉秩新鳴學士珂

徐雨芄前輩由侍讀學士新擢少京兆 振起斯文繼前武他年拭目掇巍

科

銅仁雜詠八首

鄭吉士

鄧都督

名鍾字鳴仲閩晉江人能詩萬歷元年官銅仁都督時六龍山苗匪肆行擄掠公相厥形勢歎曰此苗可以計取不可以力爭也乃與苗佯為約好苗人輕之八月十六日公令民延巫賽神於山下諸苗下觀是夜大雨公率勁卒由小徑上破其巢穴故銅仁有將軍一夜破六龍之語

銅仁府志

補遺

詩

四十五

投筆揮戈慷慨行風流儒將本書生何煩虎帳三千士
儘有龍韜十萬兵擒縱難逃諸葛計雷霆忽下亞夫營
崑崙一夜重關破雨灑中秋月不明

裴參軍

名坦嘉籍貫政績失考惟銅仁名宦祠奉有木主云曾護府篆是必有功德於此土者

微僚也許上黃堂如此參軍少頡頏在昔經綸資教養
至今俎豆總馨香名同商鼎調羹重譜出裴公奕葉芳
莫笑一官齊簿尉春秋瞻拜自輝光

楊琴仙

楊東伯先生銅仁人昔有琴師抱琴遊銅江先生往學之既而折散其琴琴師意不悅先生曰吾為師成之遂精製琴法今其琴尚有存者自是琴益精能知休咎事一日夜坐彈琴謂今夜琴聲忽亂恐有竊匪窺伺已而果然更別精子平堪輿術其古所謂隱君子乎胸中想抱無絃琴自製焦桐自賞音捕鼠驚蟬皆妙趣高山流水一披襟別兼蘭野真風術更有金精玉尺心果是羲皇人以上清標猶憶古仙岑

張武舉

名鑑銅仁人武舉乾隆六十年苗變率鄉勇堵禦焚燒上寨頗著勤勞欲上其功於當事不顧也雨芹先生詩志中皆及其人其事

銅仁府志

補遺

詩

四十六

雕鞍玉轡五花虬颯颯英姿第一流那有鄉兵齊上將不貪技勇博封侯苗氛夜滅周郎火湖水心清少伯舟到底江城輿論好史公鐵筆紀山頭

石老三

六十年苗變時諸苗從者甚眾石老三堅守其寨與叛苗對敵總兵珠公隆阿賞之巡撫馮公光熊提督彭公廷棟又賞之示獎也

錚錚矯矯石三郎一犬孤鳴對虎狼不許妖星臨淨土祇愁玉石混崑岡溪流瘴雨鯨鼉湧雲抱荒村草木香獎賞已蒙諸大帥留他碩果勵蠻方

斷臂苗

六十年苗變諸紳士率鄉兵札卡堵禦叛苗
偵其軍火子藥俱盡乘機來撲鄉兵皆散諸
紳士不能疾走有苗亦同時札卡者奮然曰
賊近矣諸君疾行我為殿與叛苗十餘人相
逢窄路抵拒逾時諸紳士始得遠走賊為之
斷其一臂猶未死時人呼之為義苗云

全憑義勇殿鄉兵有力真堪託死生獨立孤峯曾拒虎
行來巨壑又屠鯨一夫竟奪諸苗氣半壁還能五指撐
聞道江城耆舊語至今猶覺夢魂驚

楊孝女

女居銅仁龍頭營逆苗肆行焚燒女不知父
母死亡何處惟祖母病臥在牀女見火燄熾

銅仁府志

補遺

詩

四十七

甚恐被污辱背負其祖母將出門避之至大
門力竭不能行火焚其門女負祖母坐化於
門檻上面貌如生衣服無損亦奇矣哉

焚巢破卵鳥逃林玉碎花殘不忍吟劫火難燒貞女骨
香魂多慰老人心非關妙想仙蹤幻只為曹娥孝感深
一炬竟成焦土憾天教遺像鑄黃金

沈夫人

正大營巡檢沈公文鏐繼室也六十年苗變
圍城甚急公親率士民夫人亦率民間婦女
與公分段守城曰城存與存城亡與亡可也
後兵集而圍始解公與夫人先後歿合葬於

銅仁河岸徐公
隆邦為誌墓

金閨何事敢言兵身與存亡大義明破賊齊聽戰士鼓
勦勞合號夫人城妝臺塵擁窺狼豹樓堞烟消失鼙鼉
河畔只今留片石青青芳草沈官塋

銅仁府志

補遺

詩

四十八

大銀臺徐夫子榮受業師也榮於嘉慶戊辰歲應通路童子試蒙

夫子鑒別驪黃前茅拔置即於是年采芹肄業金臺書院得廁於門牆坐春風中深承訓誨嗣因榮捧檄黔南夫子宮冀北分馳宦轍天各一方道光甲申歲榮典任銅郡謁

夫子於林下精神矍鑠心竊喜之隨示以所輯銅仁郡志十一卷及補遺一冊言銅自前明啟宇以來未有專乘康熙初年雖創修郡志事多未備旋即燬於兵燹今

銅仁府志

補遺跋

徵文考獻幸已臚列成帙榮受而讀之天星之分野民俗之淳良山川之秀發人文之炳蔚莫不灼然在目是書也成不惟補前賢所未逮抑且廣後人以見聞烏可不急付剞劂俾流傳於弗替乎爰募梓鳩工閏七月望後興雕十月歲事計三閱月而全書告成庶我夫子採輯之苦心冀可與岡陵並爭不朽矣敬跋數語用以誌其巔末云

大清道光四年歲次甲申十月中浣受業劉錫榮謹跋



附錄

校勘記

序

1頁11行

「因具關公請吾師纂輯之」句，「關」應作「關書」。

卷一

3頁10行

「星分野」之上，疑有脫漏字。

4頁16行

「隋天文志」，應作「隋書天文志」。

9頁6行

「空」，原本訛「岔」。

銅仁府志

校勘記

卷二

3頁10行

「此」，原本訛「一」。

21頁2行

「沈思充」，「充」，原本訛「克」。

31頁1行

「致虎傷命」，「傷」，應作「喪」。

9頁9行

「烈女」，「女」，原本訛「文」。

卷四

9頁1行

「三厘」，「厘」，原本訛「塵」。

13頁13行

「皂隸二名」，「二」，原本訛「三」。

14頁13行

「六兩」，「兩」，原本訛「名」。

卷五

31頁 4-5行

「咸工作一新之」句，「咸」，原本作「戒」。

33頁 8行

「寡言笑」，「笑」，原本訛「笈」。

35頁 17行

「明初授石阡府龍泉司正長官，洪武五年改授銅仁府提溪正長官」二句，原本作「

石阡龍泉司正長官，永樂元年保隨司辦事，九年革司設府，改隨府辦事，十六年改本司正長官，洪武五年，改授銅仁提溪正長官」。

銅仁府志

校勘記

二

鑒于年代先永樂後洪武，牴牾殊甚，今參証乾隆貴州通志刪改。

36頁 3行

「沿至洪謨襲，尋體泰襲，故後累傳至鴻翼，雍正十年承襲無印」四句，原本作「沿至

洪謨襲，尋體泰襲，故後今尚未襲」。鑒于所載與有關張恢之敘述相矛盾，今參証乾隆貴州通志增改。

37頁 4行

「歷子幼未襲」，原本闕「未」字，今據乾隆貴州通志增。

卷六

14頁3行 「總兵陳璘」，「總」，原本訛「督」。

卷七

6頁1行 「省志瑞」，「瑞」；乾隆貴州通志作「家

瑞」。

6頁12-18行 「天啟庚午科」，「天啟」，應作「崇禎」。

7頁1-2行 「天啟庚午科」，「天啟」，應作「崇禎」。

7頁3-5行 「天啟癸酉科」，「天啟」，應作「崇禎」。

7頁6-8行 「天啟丙子科」，「天啟」，應作「崇禎」。

銅仁府志

校勘記

三

7頁9-10行 「天啟己卯科」，「天啟」，應作「崇禎」。

7頁11-13行 「天啟壬午科」，「天啟」，應作「崇禎」。

13頁13行 「乾隆己酉」，原本訛「乙酉」。

38頁13行 「茹茶飲藥」，「茶」，原本訛「茶」。

卷八

2頁15行 「圍城」，原本作「城圍」，今據清實錄改。

2頁16行 「嗅腦」，「嗅」，原本作「臭」，今據清實

錄改。

2頁16行 「未經剿淨賊匪」句，「淨」，原本作「之

，今據清實錄改。

2頁
16-17行

「亦經探明道路」句，原本闕「亦」字；
「經」字下衍「福康安」三字，今據清實錄增刪。

2頁17行

「小隴塘」，「隴」，原本作「龍」，今據清實錄改。

3頁1行

「與楚省連界之上下岩坳所」句，原本闕「之」；又「坳」作「凹」，今據清實錄增改。

銅仁府志

校勘記

四

3頁3行

「不法」，原本作「可恨」，今據清實錄改。

3頁16行

「隴保二」，「隴」，原本作「龍」，今據清實錄改。

3頁17行

「回寨後」，原本闕「回寨」二字，今據清實錄增。

4頁
6-7行

「是以石三保」之下，原本脫漏「由楚至黔，勾結滋擾，冀圖牽綴官兵，不能直趨楚境，今福康安等將黔苗痛加剿戮」五句，今據清實錄增。

4頁8行 「石三保計無可施」句，原本脫漏「石三保」三字；又「可」作「所」，今據清實錄增改。

4頁11-12行 「其帶兵出力之文武各員弁」句，原本闕「之文武」三字，今據清實錄增。

4頁13行 「於黔省軍需項下動支」句，原本闕「項下」二字，今據清實錄增。

4頁17-18行 「着賞戴花翎」，「着」原本作「亦」，今據清實錄改。

銅仁府志

校勘記

五

4頁18行 「勵勇巴圖魯」，原本脫漏「勵勇」二字，今據清實錄改。

5頁1行 「懦怯繞路行走情事」，原本作「懦弱情事」，今據清實錄改。

5頁8行 「額勒登保」，「勒」原本作「爾」，今據清實錄改。

5頁9行 「前赴保靖時」，原本脫漏「時」字，今據清實錄增。

5頁11行 「固守」，原本訛「守固」，今據清實錄改。

5頁12行 「見賊匪勢衆」五字，原本脫漏，今據清實錄增。

6頁1行 「額勒登保」，「勒」，原本作「爾」，今據清實錄改。

7頁15行 「上自道府，下至丞尉」二句，原本闕「下」字，今據乾隆貴州通志增。

8頁2行 「甚至新官與新民依倚」句，原本脫漏「甚至新官與」五字，今據乾隆貴州通志增。

8頁16行 「平越府城」，「府」，原本及乾隆貴州通志均訛「水」，今改。
校勘記
六

8頁17行 「新添龍里衛城」，原本脫漏「新」字，今據乾隆貴州通志增。

8頁18行 「銅仁營堡」，「堡」，原本作「府」，今據乾隆貴州通志改。

9頁8行 「靡莫」，「靡」，原本訛「縻」，今據乾隆貴州通志改。

10頁4行 「以重民依」，「依」，原本作「命」，今據乾隆貴州通志改。

10頁11行 「雨水及時」，「水」，原本訛「露」，今據

乾隆貴州通志改。

10頁12行 「蠶豆」，「蠶」，原本訛「早」，今據乾隆

貴州通志改。

10頁15行 「迨」，原本「迨」字下衍「後」字，今據

乾隆貴州通志刪。

11頁2行 「耆老士民」，原本脫漏「老」字，今據乾

隆貴州通志增。

11頁5行 「高阜山田則灌溉不足」，原本「高阜」

銅仁府志

校勘記

七

二字下衍「者」字；「山田」二字下省「

則」字，今據乾隆貴州通志增刪。

13頁11行 「不過二百餘粒」，「二」，原本訛「三」，

今據乾隆貴州通志改。

13頁13行 「長七八寸」，「七八」，原本作「六七」，

今據乾隆貴州通志改。

13頁16行 「亦屬內地所稀聞」，「亦」，原本作「抑

」，今據乾隆貴州通志改。

13頁17行 「為史冊所罕載」，「載」，原本作「見」。

15頁3行

「邛治」，「邛」，原本作「致」，今據乾隆

貴州通志改。

15頁6行

「光昭千古」，「昭」，原本作「垂」，今據

乾隆貴州通志改。

15頁8行

「邊陲」，「陲」，原本訛「郵」，今據乾隆

貴州通志改。

15頁14行

「民苗雜處」，「民苗」，原本訛「苗民」，

今據乾隆貴州通志改。

19頁7行

「仕宦」，「宦」，原本訛「官」，今據光緒

銅仁府志

校勘記

八

銅仁府志民國縮印本改。（以下光緒銅仁

府志民國縮印本，簡稱縮印本。）

19頁9行

「環岫若球」，「球」，原本作「掬」，今據

縮印本改。

22頁3行

「伏賊衝左右」，「左」，原本作「之」，今

據縮印本改。

24頁6行

「杜門却掃」，縮印本作「杜門不出」。

24頁13行

「唱蓮花落」，縮印本作「唱蓮花落者」。

46頁16行

「未嘗折一矢也」，「嘗」，原本訛「常」，

今據縮印本改。

50頁3行

「家人父子」，「父」，原本訛「婦」，今據

縮印本改。

53頁17行

「為嗣續計」，「嗣」，原本訛「似」，今據

縮印本改。

52頁1行

「或以為希落公也」，「希」，應作「奚」。

56頁11行

「佐志純」，原本作「相夫子」，今據縮印

本改。

56頁12行

「志純」，原本作「夫子」，今據縮印本改。

銅仁府志

校勘記

九

56頁14行

「以析產搆訟」，「析」，原本訛「折」，今

據縮印本改。

56頁17行

「志純」，原本作「夫子」，今據縮印本改。

卷九

61頁5行

「漠視」，「漠」，原本作「膜」，今據縮印

本改。

68頁1行

「心版口碑」，「碑」，原本訛「裨」，今據

縮印本改。

69頁18行

「君臣父子」，原本作「父子君臣」，今據

縮印本改。

71頁14行

「嚴戒律」，「律」，原本訛「力」，今據縮

印本改。

72頁12行

「皈依」，「皈」，原本訛「歸」，今據縮印

本改。

72頁13行

「層巒聳秀之奇」句，「奇」，原本訛「雄

」，今據縮印本改。

90頁15行

「樓亦殘缺」，「亦」，原本訛「閣」，今據

縮印本改。

銅仁府志

校勘記

十

93頁13行

「復加以獎賚」，「復」，原本訛「後」，今

據縮印本改。

106頁2行

「有翼然凌空者雙峯閣也」句，原本作「

有閣翼然者名雙峯也」，今據縮印本改。

106頁3行

「刻雲彩江聲」，「刻」，原本作「有」，今

據縮印本改。

106頁4行

「其可為淵明北窗之卧乎，抑可為東坡海

外之游乎」二句，原本第一、二句均無「可

」字；「卧」，原本作「下」；「游」，原本作

「國」，今據縮印本改。

106頁5行

「其或且為羨門乘鹿之鄉與巢壺遨遊之

域乎」句，原本闕「或且」二字；「鄉」原

本作「地」，又「地」字下行「乎」；「與

」，原本作「抑為」，今據縮印本改。

106頁6行

「遂援筆記之」句，原本作「於是而記之

」，今據縮印本改。

106頁8行

「循麓而登」，原本作「由市口而入」，今

據縮印本改。

銅仁府表

校勘記

十一

106頁9行

「苔蘚滿地」，原本作「苔文飛綠」，今據

縮印本改。

106頁10行

「城中烟火」，「中」，原本作「之」，今據

縮印本改。

106頁11行

「互為吞吐」，原本作「吞吐乎虛中」，今

據縮印本改。

106頁13行

「勝概」，原本作「縱觀」，今據縮印本改。

106頁13行

「若夫嵐飛朝暮，恍結蜃樓」二句，「嵐飛

」，原本作「煙連」；「泛」，原本作「結」，

今據縮印本改。

106 頁 14 行

「昔則履齒紛紛，今惟蒼煙漠漠也。」二句，
「紛紛」，原本作「飛飛」；「蒼煙漠漠」，

原本作「蒼苔滑滑」，今據縮印本改。

106 頁 15 行

「登山而俯江」，原本闕「山」字，今據縮
印本增。

106 頁 16 行

「徜徉竟日，流連不忍去。」二句，原本作「
徜徉而去」，今據縮印本增改。

106 頁 16 行

「率又自武陵來」，原本「武陵」二字下

銅仁府志

校勘記

十二

衍「看桃花」三字，今據縮印本刪改。

106 頁 17 行

「重覽形勝，得佳處。」二句，「重覽」，原本
作「覽其」；闕「得佳處」一句。今據縮印

本增改。

106 頁 18 行

「圍約十笏」句，「圍約」作「深不止」，
今據縮印本改。

107 頁 1 行

「恐人友石，反俗石也。」二句，原本第一句
脫漏「人」、「石」二字，今據縮印本增。

107 頁 2 行

「造堂於亭側」句，「造」，原本作「構」；

「側」，原本作「傍」，今據縮印本改。

107頁2行 「至者咸驚為異境」，原本作「人至每多驚異」，今據縮印本改。

107頁2行 「由是」，原本作「間則」，今據縮印本改。

107頁3-4行 「浮於几席，遙望雙流，如帶客帆往來，笑彼

奔波者，何如此小住為佳也」，五句，原本作

「飛浮葉上，而賈客行舟，若駕於竹杪亭影

間矣」。今據縮印本改。

107頁4行 「對岸有雙峯」句，「對岸」，原本作「巖

銅仁府志

校勘記

十三

前」，今據縮印本改。

107頁5行 「若左右峙者」，原本作「若有索閣意」，今據縮印本改。

107頁6行 「率因得日盤桓其間」句，「因得」，原本作「亦是」；又「得」字下原本闕「日」字，今據縮印本增改。

107頁9行 「皆妙」，原本作「攸異」，今據縮印本改。

107頁9行 「而難為諸君子貽也」句，原本作「而諸君子所奇邁也」。今據縮印本改。

110 頁 4-5 行

「以督憲觀風試士，令賦斯山」二句，「試士」，原本作「銅古」；「令賦斯山」，原本作「並試古作」，今據縮印本改。

114 頁 12 行

「暮春四月」，「月」，原本訛「日」。今據縮印本改。

116 頁 1 行

「不與九嶷武夷……」句，「與」，原本訛「興」。今據縮印本改。

120 頁 3 行

「鹽蔬薪炭」，「炭」，原本訛「荈」，今據縮印本改。

銅仁府志

校勘記

十四

120 頁 4-5 行

「不能安枕」，「枕」，原本訛「報」。今據縮印本改。

卷十

122 頁 18 行

「貞魂」，「貞」，原本訛「真」，今據縮印本改。

128 頁 16 行

「蓮池圖詩志序」，「圖」，原本訛「洞」，今據縮印本改。

133 頁 5 行

「蟾聯」，「蟾」，應作「蟬」。

134 頁 5 行

「天乙峯」，「乙」，原本訛「太」。

137頁4行 「傾談」，「傾」，原本作「之」，今據縮印

本改。

167頁14行 「延固有學」，「固」，原本及縮印本均作

「故」。

170頁10行 「黃眉縣」，「眉」，似應作「梅」。

178頁5行 「榮」，原本訛寫為「榮」。

178頁6行 「藺」，原本訛寫為「藺」。

184頁17行 「祝公名曰騰」，「日」，原本誤「曰」，今

據縮印本改。

銅仁府志

校勘記

十五

194頁10行 「於二十八日」，「於」，原本訛「與」，今

據縮印本改。

194頁18行 「分頭迎擊」，「頭」，原本訛「投」，今據

縮印本改。

205頁8行 「波翻瀾沸」，原本脫漏「波翻」二字，今

據縮印本增。

205頁8行 「蹲踞龍嵒」，「蹲」，原本作「根」，今據

縮印本改。

205頁13行 「怪鷗踞其頂」，「怪鷗」，原本作「鷗鷺

，今據縮印本改。

206 頁 8 行

「碧映靡柴」，「碧映」，原本作「紅濕」，

今據縮印本改。

206 頁 9 行

「光纍纍其若貫」，「若」，原本作「如」，

今據縮印本改。

206 頁 9-10 行

「色皎皎而疑楷」，「疑」，原本作「如」，

今據縮印本改。

206 頁 10-11 行

「亦真亦幻」，原本闕此四字，今據縮印本

增。

銅仁府志

卷十一

校勘記

十六

208 頁 11 行

「清濁理無廷」，「廷」，疑應作「枉」。

220 頁 5 行

「漿」，原本訛「漿」。

補遺

節孝 1 頁 6 行

「紡績」，「績」，原本訛「績」。

節孝 1 頁 9 行

「于歸向秀士為妻」，原本闕「為」

字，今增。

節孝 1 頁 11 行

「撫子成立」，「撫」，原本訛「孝」，

今改。

節孝1頁11行

「享年六十四歲」，原本闕「年」字。

節孝1頁15行

「艱辛備至」，「艱」，原本訛「難」。

節孝2頁12行

「念翁姑俱逾六旬，恐傷不測」二句，

「逾」，原本作「愈」，「測」，原本訛

側」。

節孝2頁17行

「矢志守節」，「矢」，原本訛「夫」。

節孝6頁2行

「艱辛」，「艱」，原本訛「難」。

節孝6頁3行

「孝敬自矢」，「矢」，原本訛「失」。

節孝6頁6行

「夫故」，「故」，原本訛「散」。

銅仁府志

校勘記

十七

節孝6頁7行

「教子成立」，原本闕「成」字。

節孝6頁11行

「享年」，「享」，原本訛「亨」。

節孝6頁13行

「宛如賓主」，「宛」，原本訛「婉」。

節孝6頁14行

「遣回」，「遣」，原本訛「遺」。

節孝6頁15行

「奉養為難」，應作「奉養維艱」。

節孝8頁6行

「氏二十五歲」，「氏」，原本訛「亡」。

「歲」，原本訛「年」。

節孝8頁11-12行

「惟姑在堂，以媳代子」二句，原本作

「以媳代子，惟姑在堂」。

碑記 1頁 12行

「節制服食」，「制」，原本作「製」。

碑記 1頁 18行

「邑之人請建樹碑坊」句，「碑」，似

應作「牌」。

序 5頁 9行

「刁悍者然歟」，縮印本作「刁悍者

豈猶昔歟」。

示 12頁 14-15行

「不須需索一文」句，「須」，似應作

「得」。

示 22頁 13-14行

「有所嚴憚」，「憚」，原本訛「憚」。

誄 35頁 15行

「嗚呼」，「呼」，原本訛「乎」。

銅仁府志

校勘記

十八

墓銘 39頁 3行

「餘四十年」，應作「四十餘年」。

